

1872.

25. oktbr.

**97. Bréf kirkju- og kennslustjórnarinnar til biskups-  
ins yfir Íslandi, um að aldursleyfi fyrir prestsefni  
geti ekki fengizt.**

Með bréfi, dagsettu 4. f. m., hafið þér, háæruverðugi herra, sent hingað þegnlega bænarskrá, þar sem prestaskólakandidat Jens Pálsson Mathiesen, sækir um leyfi til að láta vígjast til prests, þótt hann ekki sé 25 ára að aldri, og hafið þér mælt fram með, að það verði veitt, sem sókt er um, eða þá, að sækjandinn, sem sé fæddur 1. apríl 1851, og þannig skorti hér um bil hálf t fjórða ár í lögboðinn 25 ára aldur, í öllu falli megi vígjast til prests, þegar hann sé orðinn 22 ára að aldri.

Útaf þessu gefst yður til vitundar, yður til leiðbeiningar og til þess þér birtuð það, að aldursleyfi það, sem sókt er um, verður eigi veitt nú sem stendur.

30. oktbr.

**98. Bréf kirkju og kennslustjórnarinnar til dómsmála-  
stjórnarinnar, um nokkrar útgjaldagreinir á fjár-  
hagsáætlun Íslands.**

Í bréfi 27. febr. þ. á. hefir dómsmálastjórnin leitað álits kirkju- og kennslustjórnarinnar um, að alþingi síðasta hefir í þegnlegri bænarskrá meðal annars stungið uppá, að útgjalda- greinin í áætluninni um tekjur og útgjöld Íslands á reiknings- árinu 1871—72, 7. gr., D., „önnur útgjöld í þarfir hins lærða skóla“ verði nákvæmlega endurskoðuð.

Eptir að vèr útaf þessu höfum leitað álits stiptsyfirvaldanna á Íslandi, gefst dómsmálastjórninni til vitundar, um leið og vèr sendum aptur fylgiskjölín, að ástæða þykir vera til að færa niður eptirleiðis upphæðina á útgjaldagreininni, 7. gr. D. 3. til 150

1) Tíðindi frá alþingi 1871, II., 619.



rd. og upphæðina á útgjaldagreininni, 7. gr. D. 6. til 300 rd., og þannig að kostnaðurinn til verðlaunabóka handa skólasveinum (40 rd. á ári) einnig verði eptirleiðis greiddur af þessari upphæð, í stað þess að hann áður hefir verið goldinn af því fê, sem tiltekið er í 7. gr. D. 15, en jafnan hefir verið farið fram yfir þá fjárveiting; að öðru leyti verður kirkju- og kennslustjórnin að álíta, samkvæmt því sem skýrt er frá í álitsskjali stiptsyfirvaldanna, að nú sem stendur verði eigi færðar niður aðrar upphæðir, sem veittar eru í þarfir hins lærða skóla og prestaskólans.

1872.  
30. oktbr.

## 99. Leiðarvísir fyrir brèfhirðingarmenn.

(á Íslenzku eingöngu).

31. oktbr.

### 1. grein.

Brèfhirðingarstaðurinn á — — liggur undir póstafrgreiðsluna á — — sem hefir eptirlit með, að brèfhirðingarmaður haldi samning sinn, lætur hann vita af öllum þeim breytingum, sem verða kunna á póstgjaldaskránum, póstgöngunum o. s. frv., og gefur honum allar aðrar nauðsynlegar upplýsingar og vegleiðslu.

Brèf brèfhirðingarmanns til póstskrifstofunnar í Reykjavík ganga í gegnum hina yfirboðnu póstafrgreiðslu, er sendir þau póstmeistararum með skýringum sínum.

Verði brèfhirðingarmanni eitthvað á í póstafrgreiðslunni til annara póstafrgreiðslustaða, skulu þeir láta brèfhirðingarmann vita af því beinlínis.

Ferðaleyfis um stuttan tíma, í mesta lagi 14 daga, leitar brèfhirðingarmaður hjá hlutaðeiganda póstafrgreiðslumanni, en ferðaleyfis um lengri tíma hjá póstmeistararum í Reykjavík; þó getur hann, ef mikið liggur á, farið strax á stað, en þá skal hann skýra póstafrgreiðslumanni frá því, og verður hann sjálfsgagt að annast um, að áreiðanlegur maður í fjarvist hans gegni þeim póststörfum, er fyrir kunna að falla, upp á ábyrgð hans.